

## سورة الماعون | اللقاء ( 30 ) | #من\_كنوز\_الجزء\_الثلاثين | د .

### حازم شومان

حازم شومان

وكفى وصلاة وسلاما على عباده الذين اصطفى اللهم لك الحمد كله ولك الملك كله وببيدك الخير كله واليك يرجع الامر كله قل له اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت وحين. اما بعد اخواني واحبابي في الله ان شاء الله مع سورة - [00:00:00](#)

يتيم سورة اليتيم هذه السورة آآ يعني لها آ عدة اسماء من ضمنها سورة اليتيم. تخيل كده اما ربنا سبحانه وتعالى يعني على قول بعض العلماء ان اسماء السور الاساسية هي اللي توقيفية يعني كلمة الماعون ده وحي. كلمة الكوثر ده وحي - [00:00:30](#) في بعض العلماء قالوا حتى الصور الثانية يعني برضو توقيفية يعني على خلاف بين العلماء. سورة اليتيم ان يعني قضية اليتيم وقضية السلوك الاجتماعي الاسلام قضية مهمة لهذه الدرجة. الله سبحانه وتعالى يعني قال خذوه فغلوه ثم الجحيم صلوه. ثم في سلسلة ذراعتها سبعون ذراعا فاسلكوه - [00:00:50](#)

ايه هذه العقوبة الرهيبة ليه؟ عشان جريمتين. الاولانية انه كان لا يؤمن بالله العظيم. يبقى في حق الله. والثانية ولا يحض على طعام المسكين يبقى يعني شف السلوك الاجتماعي في الاسلام. خطير المكانة قد ايه؟ قد ايه الدين احتفى يعني وضع جريمة فساد السلوك الاجتماعي - [00:01:10](#)

فساد الحس الاجتماعي وفساد الاخلاق جنب جريمة عدم التوحيد. اللي هي اخطر جريمة في الوجود كله. النهاردة مع سورة الماعون ان شاء الله بازن الله الماعون لها عدة اسماء من ضمنها الماعون. يعني ايه الماعون يا جماعة؟ الماعون يعني الحاجة البسيطة. العطاء - [00:01:30](#)

بسيط الحاجة الصغيرة يعني اللي هي كده هنجيب اشهر طبعاً قول المفسرين في معنى كلمة الماعون اللي هو الجار لما يحتاج من جاره حتى يصل الصلاة. طب الله يكرمك بس حلة تطبخ فيها. طب آآ ليمونة وبعد كده ان شاء الله نردها لك. طب شوية ملح. فهو ده الماعون بقى يا جماعة. اللي هو الحاجة اللي مش فارقة - [00:01:50](#)

ما هياش فارقة معك وغالبا كمان هترد لك. طب معلقتين طب ده احنا عندنا عزيمة هاتوا لنا طبقين ونرجعهم لكم. وغالبا هترد لك وحتى واتاخذت يا مش فارقة معك في حاجة والانسان يبخل بها. الجزء الثلاثين بيتكلم عن ابشع لحظات النفوس لما النفوس تبقى بشعة. وعن اعظم - [00:02:10](#)

لحظات النفوس لما النفوس ترتقي وتطهر. يعني زي هنا كده ويمنعون الماعون. طب انت خسران ايه؟ ايه اللي ايه اللي خسران؟ هو الانسان ممكن يوصل للبخل الدنيا للدرجة دي ممكن يوصل لحب الدنيا للدرجة دي ممكن يوصل للدناءة النفسية للدرجة ديت. يمنعون الماعون. حاجة مش مخسراك اي حاجة. وفي نفس الوقت - [00:02:30](#)

خليه في الجزء الثلاثين ان الانسان لربه لكنود. الكنود ده هي الارض التي مهما اخذت لا تعطي شيئا. مهما فلحت وزرعت وبزرت وخطيت اسمنت كده وما تديكش اي حاجة. فالكنود لربه اللي مهما ربنا ادى له ما ما فيش كلمة شكرا. والكنود يعني يقول لك -

[00:02:50](#)

ده المرأة الكنود اللي مهما زوجها عمل لها لا تشكره ابدأ. ويقول لك الكنود اللوام لربه. مهما ربنا ادى له برضه مسيء الزن بالله وانت

عملت فيها كده ليه يا رب؟ وما ادتيش كده ليه يا رب؟ فالجزء التلاتين فيه لحزات نفسية بشعة والعياذ بالله. لحزات قد ايه النفس الانسانية دي وفيه لحزات - [00:03:10](#)

نفسية رهيبية. لما النفس ترتقي بقى. فلا اقتحم العقبة. الاقتحام هو رمي النفس بلا تفكير وبلا آآ تروي. والعقبة الطريق الواعر الصاعد في الجبل. الطريق الصاعد في الجبل. اقتحم العقبة لما الانسان يرمي نفسه في مهالك عشان ربنا سبحانه وتعالى ده رضاه. النفس ما عادتش بتخاف - [00:03:30](#)

والنفس عاد خوفها لا يمنع الانسان عن الانطلاق الى الله سبحانه وتعالى مهما كان الوضع ومهما كان الواقع ومهما كانت الظروف فالجزء التلاتين يعني من اجزاء التربية النفسية اللي بتجيب لك النفس لما تطهر قوي والنفس لما تحقر اوي اوي اوي يعني ارايت والتين والزيتون وطور سنين - [00:03:50](#)

هذا البلد الامين لقد خلقنا الانسان فيه احسن تقويم انسان قائم مقوم احسن حالة ثم رددناه اسفل سافلين. لما المجتمع يبقى مليون كفالة والعياذ بالله. لما بعثش الموضوع معصية ده الموضوع سفول وسفالة. لما تلاقي بدأت السفالة تنتشر في سلوك ناس في الشوارع في - [00:04:10](#)

سلوك نساء في الشوارع. في سلوك اعلام لما التسافل يبقى سمت مجتمعي. فيعني دي احوال ودي احوال في الجزء التلاتين سورة الماعون من ضمن اسمها سورة اليتيم وطبعا كلمة اليتيم دي كلمة عالية جدا. ان اسم من اسماء السور يبقى عشان اليتيم. على فكرة يا جماعة عدد اليتامى على وجه الارض عدد رهيب - [00:04:30](#)

يعني يعني عدد يقترب من ربع مليار او اكثر من ربع مليار على وجه الارض. فقضية اليتامى دي قضية ما هياش صغيرة. والولد بيبقى يتيم لحد ما يبلغ والبنت بتبقى يتيمة لحد ما تجوز يعني حتى ما تبلغ ما دام ابوها ميت الحيوانات اليتيم هو اللي امه ميتة. مش اللي ابوه ميت. لان - [00:04:50](#)

اساس الرعاية والقيام في في الحيوانات هي الام. في الانسان والكائن الوحيد اللي اليتيم فيه ان الاب يموت. امال اللي امه تموت اسمه لطيم اليتيم في البني ادم ان الاب يموت. وهو لحد سن البلوغ في الرجل ولحد سن الزواج في الانثى. يعني عندها عشرين سنة واسمها يتيم - [00:05:10](#)

يعني ده تزويج يتيمات انما واحد بلغ خلاص يبقى ايه يبقى ده يعني ما عدش يتسمى يتيم طبعا على آآ يعني على قول من الاقوال سورة الماعون من اسماء برضو سورة الدين. لان دي السورة يعني اوعى تفتكر ان الدين بس هو الصلاة والصوم. اوعى تفتكر الدين بس هو انك انت - [00:05:30](#)

يعني واحد بيوحده او لا يوحده طبعا ده اساس الدين. وده اخطر شيه في الدين. وده مصير كامل. ولكن موقفك تجاه الضعفاء والفقراء ده من ضمن الدين. وده جزء لا يتجزأ عن الدين. وده مقياس اساسي انت عندك دين ولا ما عندكش دين؟ اخلاقك وسلوكك ومعاملتك - [00:05:50](#)

ايديكم ومعاملتك للضعيف ومعاملتك لاهلك لما يكبروا ومعاملتك للمحتاج ده جزء لا يتجزأ من دينك صورة الدين. بسم الله الرحمن طبعا سورة الماعون آآ بعدها سورة الكوثر. بعدها على طول سورة الكوثر في المصحف. آآ احنا دلوقتي بنتكلم في الوضع وضع السورة في المصحف اللي هو الترابط الموضوعي - [00:06:10](#)

آآ الماعون والكوثر هل في علاقة ما بين كلمة الماعون وكلمة الكوثر؟ اه في علاقة كبيرة جدا اللي هي علاقة ايه؟ ايوه الكلمتين عكس بعض تماما لغة الكوثر هي الخير الكثير كما قال ابن عباس. خير الكثير اوي اوي اوي. الماعون هو العطاء القليل. العطاء القليل. عشان كده اخر اية في سورة - [00:06:30](#)

طاعون يعني اه سبحانه الله لما تقارن بينها وبين اول اية في سورة الكوثر تحس فعلا الفارق ما بين بخل المخلوق وكرم الخالق. اخر اية في سورة الماعون الذين هم يراؤون ويمنعون يمنعون خد بالك من المنع يمنعون الايه؟ الماعون. الحاجة البسيطة خالص اللي مش فارقة معه حاجة. يا عم والله ما فارقة معك حاجة - [00:06:50](#)

المساعدة اللي انت هتقدمها لي دي مش هتعمل لك انت اي حاجة اصلا. ولا هتهز لك رمش بالنسبة لي انا هتنقل حياتي نقلة كبيرة جدا. يعني يعني المعون مش شرط يكون حلك - [00:07:10](#)

ولا معلقتين ولا حنة بصل ولا ليمونة ولا شوية ملح ولا عود كبريت ولا ولا يعني المعون ده احيانا خدمة بسيط مكالمة. انت ممكن تعملها لواحد تفرق معه في مستقبله. واحد بيتجوز وانت عندك علاقات حلوة تعمل له مكالمة تفرق معه في جوازه - [00:07:20](#) يعني احيانا بتبقى حاجة بسيطة جدا ولكن انت ربنا مديك القدرة ان مكالمة منك تفرق في حياة بني ادم. او تفرق في مستقبل بني ادم او في يعني بازن رب العرش العظيم الاحد الصمد سبحانه وتعالى تفرد في مجريات حياة انسان ويمنع وتلاقي انسان مانع. يا عم انت خسران ايه ويمنعون المعون - [00:07:40](#)

اول اية في الكوثر بسم الله الرحمن الرحيم. ان اعطيناك. اعطيناك عكس ايه؟ يمنعون الكوثر. الكوثر عكس ايه؟ المعون يبقى اخر اية في المعون رغم ان دي زمن ودي زمن سبحان الله العظيم. رغم ان دي نازلة في وقت ودي نازلة في وقت ولكن ده اعجاز القرآن. ان تلاقي يعني - [00:08:00](#)

توصل لدرجة انك تلاقي اول الاية آآ نازل في زمن واخر الاية نازل في زمن والاية اللي بعدها نازلة في زمن وما كان الله ليعذبهم وانت فيهم بعض المفسرين قالوا آآ ان دي نزلة آآ في مكة. نازلة في المرحلة المكية. وما كان الله معذبهم وهم يستغفرون. فقالوا دي بقى - [00:08:20](#)

والنبي بيهاجر والنبي في الطريق للهجرة وخايف طب انا خلاص سبتهم يعني كده يا رب انت هتنازل عنهم العذاب فربنا قال وما كان الله معذبهم وهم يستغفرون وما لهم الا يعذبهم الله - [00:08:40](#)

يصدون المسجد الحرام نازلة بعد نصر بدر. يعني اية ونص دي نازلة في عزم مكة ودي نازلة في الهجرة ودي نازلة في المقادير مكية ودي مدنية ودي اسناء الهجرة. وفي الاخر تلاقي السياق في غاية التكامل. سبحان الله العظيم. ويمنعون - [00:08:50](#)

هنا المعون عكس بالظبط انا اعطيناك الكوثر. دي قد ايه البشر؟ يعني يعني بخيل ودي قد ايه ربنا كريم؟ دي الانسان لما يعني تحتاجه عمك حاجة بسيطة جدا. ده ربنا بقى لما بيدي. نسأل الله سبحانه وتعالى ان يكرمنا ولا يهنا. نسأل الله ان يعطينا ولا يحرمنا. نسأل الله سبحانه وتعالى - [00:09:10](#)

ان يهدينا ويسدنا سبحانه وتعالى. سورة المعون قبلها سورة الفيل وقريش. الفيل وقريش والمعون ممكن تعتبرهم واحدة واحدة. الفيل هي قضية الامن الم ترى كيف فعل ربك باصحاب الفيل لما لما يعني لما يكون اهل الدين مهديين في امنهم يعني كان في تهديد بسبب الكعبة وابرهة جاي وابراهيم - [00:09:30](#)

ده كان حاكم نصراني خطير جدا وبنى بقى كنيسة عزيمة كده وحتى كانت يعني على شكل الكعبة او اسمها الكعبة يعني على اساس ايه ان الناس كان اخطر محاولة تاريخية لتنصير العرب. اخطر محاولة تاريخية قبل بعثة النبي عليه الصلاة والسلام باربعين سنة بالزبط. قبل ميلاد النبي عليه الصلاة والسلام باربعين سنة - [00:09:50](#)

سير الجزيرة العربية كانت ابرها الحبشة الحبشة دي طبعا دولة خطيرة جدا يعني اثيوبيا دي دولة تاريخيا خطيرة جدا. آآ اخطر محاولة لتنصير الجزيرة العربية قبل الاسلام كان محاولة حبشية والنبي عليه الصلاة والسلام قال ان في اخر الزمان اللي هيه الكعبة يعني ده ده راح طلع قبرها يهد الكعبة قبل النبي عليه الصلاة والسلام. اللي هيه الكعبة فعليا في اخر الزمان واحد - [00:10:10](#)

من اثيوبيا حبشي يقال له ذو السويقتين ذو السويقتين السويقة تصغير كلمة ساق. فالنبي عليه الصلاة والسلام سماه سوق السواقتين قالوا عشان رجليها تبقى رفيعة جدا من علامته ان الساقين بتوعه في غاية الدقة. وفي غاية الرفع ده اللي هيدي الكعبة. طب الوقتي اللي بيحاول بقى منع ماء نهر النيل عن مصر بمساعدة اسرائيل والكلام ده. برضه الحقيقة - [00:10:30](#)

خطيرة محتاجة اخذ بال رغم ان سبحان الله الاغلبية بتاعتها مسلمة. الا ان الحكام بتوعها بروتستانت. يعني ايه ده يعني في دولة محتاجة ايه؟ الم تر كيف فعل ربك باصحاب الفيل؟ يبقى ده محاولة ابرهة لتنصير الجزيرة العربية. فلما عمل الكعبة وما حدش راح -

[00:10:50](#)

وواحد من عباد الاوسان هو على ضلال اصلا وباطل بس غاير بقى عشان الباطل بتاعه. فراح بقى يتبول في الكعبة واخذ جيش وطلع يهد الكعبة وربنا حمى الكعبة المشرفة - [00:11:10](#)

ده الامن صورة الفيل بتتكلم عن مشكلة ان في ناس بيمنعها من الدين والتدين خوفها على امنها. بعد كده سورة قريش خوفها على رزقها بقى. فليعبدوا ورب هذا البيت الذي ايه؟ اطعمهم من جوع لايلاف قريش لايلاف تعجب من الالفة اللي ربنا يعني جعلها في صدور اهل قريش من رزقهم - [00:11:26](#)

دلوقتي احنا خايفين على رزقنا. الدنيا دلوقتي كلها خايفة على رزقها وخايفة على شغلها وخايفة على اي بتوع قريش دول حتى كلمة قريش جاية من القرش كانوا بيعرفوا يجيبوا القرش يعني ايه تجار تجار يعني لايلاف قريش يعني تعجبوا من قد ايه ربنا طمن قلوب - [00:11:46](#)

الناس ديت على الرزق بتاعها. ايلافهم رحلة الشتاء والصيف. يعني كان الرزق بتاعها في غاية الزهولة هيسافر بس كده شهر في الشتا يروح يجيب شوية بضاعة اي حاجة من هناك. في الصيف قصدي ويرجع يبيع ويبقى باشا. وفي الصيف يروح الشاب ويرجع يبقى باشا. وهو مش تعبان في اي حاجة - [00:12:06](#)

احلى حتى ربنا ما قالش يعني كفاح الرزق رحلة الشتاء صيف. يعني يلا نطلع الرحلة الجميلة بتاعة اليمن ايه رأيكم؟ يلا يا شباب. يلا نطلع الرحلة الجميلة في احنا في الشتا وفي رحلة في الصيف. والرحلات دي ترجع تبقى ملط مليونير. ايه الجمال ده! فليعبدوا رب هذا البيت فقصة الرزق. والناس اللي خايفة على - [00:12:26](#)

بعد كده جات الماعون المحبوبات الدنيوية بقى. يدع اليتيم يدع اليتيم ده عارف يوم يدعون الى نار جهنم ايه ده ان برجلك وفي زهر اللي قدامك. اطلع قدامي. منزر قبيح. منزر من ابشع منازل نفسية الانسان لما يتحكم القوي في الضعيف - [00:12:46](#)

ولما يزل القوي الضعيف. فده ويمنعون الماعون. يا عم طب دي فارقة معك ايه؟ الشلن بالنسبة له له قيمة. يعني والعياذ بالله وصل من حب الدنيا والتعلق بها. فسورة الفيل تتكلم عن الامن قريش الرزق الماعون المحبوبات الدنيوية ودي هي التلت موانع اللي بتمنع اي واحد منا - [00:13:06](#)

تتدين. يعني اي واحد يتدين واعى شاب وعايز يلتزم ويلتحي ومش عارف ايه يا عم هتعامل نفسك مشاكل. طب والحاجة الثانية يا عم ما حدش هيشغلها وبدقنك دي من اللي هيشغلك. طب والحاجة الثالثة؟ يا عم شكلك وحش في الدقن دي. ما فيش بنت هتبص لك. ماشي يبقى التلات مداخل دايم حتى اللي ايه - [00:13:26](#)

يلفوا على اي واحد ويفتنوه عن الدين بسببهم وكثير في القرآن تلاقي الكلام عنهم زي خواتيم العنكبوت. تتكلم عن التلات معوقات دول. الرزق الخوف على الرزق الخوف على الامن الخوف على المحبوبات الدنيوية. فترابط الصور مع بعضها. ترابط صورة المعاملة اللي قبلها. وترابط صورة الماعون مع اللي بعدها. طبعا سورة الماعون منصور المرحلة الجهرية - [00:13:46](#)

ومن بدايات المرحلة الجارية نازلة قبل سورة الكافرون. احنا قعدنا في سورة الكافرون شرحنا سورة الكافرون دي الصورة اللي قبل سورة الكافرون. فزي ما قلنا سور بدايات المرحلة الجهرية صور كفاحية. يعني صور في الكفاح الدعوي لان انت نازل تدعو الناس البعاد. وصور في الكفاح التربوي لان بدأ الملتزمين يزيديا - [00:14:06](#)

بدأ اللي داخليين دار الارقم يزيديا. فلما دخل ناس كثير ده الارقم ده بدأ ايه؟ بدأت الكفاءة تقل. بدأ منسوب التربية يبقى لأ محتاجين بقى مجهود اكبر من كده. فبدأنا نشوف نماذج مش زي بقى المنسوب اللي كان موجود في المرحلة السرية. نشوف كده وضربنا مسل - [00:14:26](#)

ده آآ ولا اقسام بالنفس اللوامة في سورة القيامة. سورة القيامة تقريبا في عد جابر ابن زيد. السورة رقم ثلاثين. السورة رقم ثلاثين. فاللبس اللي هو الثلاثين دي يعني مرحلة جهرية. النفس اللوامة اللي هو يعمل الغلط ويلوم نفسه. وزعلان. هو بقى فيه كده واتكلمنا برضو بس في الليلة - [00:14:46](#)

الايمانية بقى امبارح والاسبوع اللي فات في سورة النزاعات والناشطات نشطا. ان بقى فيه ناس محتاجة تنشط شوية. بقى فيه ناس

محتاجة ايه آآ يعني تدوس بنزين شوية. هي النماذج دي بقت موجودة معنا. اه كل ما الصف هيكبر كل ما هنحتاج جرعات لرفع الهمة. لان بييجي ناس مش في همة الناس - [00:15:06](#)

الاول. سورة الماعون. بسم الله الرحمن الرحيم. ارأيت الذي يكذب بالدين؟ ارأيت ده يعني ايه؟ يعني انا هفرجك دلوقتي على فيلم فيديو. ارأيت انت عارف لما واحد بقى فرجة يعني الدين بيقول لك ان المنازر دي لازم تبقى فرجة. لازم المجتمع كله يتفرج عليها. لازم تهان - [00:15:26](#)

وتطلع في الاعلام دول اللي لازم يتشتموا في التوك شو. مش اللي المفروض يشتم في التوك شو الدعاة والعاملين لدين الله. سبحانه وتعالى والناس اللي نصرت الدين واهل الدعوة ده الوقتي اللي في مجتمعك بيشتتم في الاعلام. انما اللي المفروض يبقى فرجة في الاعلام ويجي بتوع التوك شو كده يفرجوا المجتمع عليهم هم دول. ارأيت - [00:15:46](#)

الذي يكذب بالدين ارأيت لا يعني استفهام استنكاري. انا هوريك دلوقتي واحد فرجة. شفت اللي حصل؟ رأيت فيلم فيديو هوريه لك دلوقتي فمتوقع فيلم فيديو عن ايه يا رب؟ عن الذي يكذب بالدين. اوبا! يبقى اول مشهد باب التأكيد آآ فذلك الذي يسجد - [00:16:06](#)

بقى يبقى اول مشهد في الفيديو هشوفه الناس بتسجد للاصنام وهشوف ناس تحت قاعدة تحت بقرة وبتتبرك ببول البقرة. واشوف ناس والعياذ بالله قاعدة رفع صليبه شف ناس آآ قاعدة تعبد اصنام في جنوب شرق اسيا. وهشوف ناس بتقول بقى لا اله والحياة مادة. وهشوف - [00:16:26](#)

خلاص بقى ما هو عنوان الفيلم هفرجك عن اللي بيكزبه بالدين. تفاجأ ان اول مشهد فذلك الذي يدع اليتيم. واحد جاي لواحد يتيم وهو قاعد مسلا في المحل بتاعه ومعه فلوس ولا حاجة واليتيم جا له منه دعني دعني يدع دعني. ابعده عني ما لكش - [00:16:46](#)

ما عيبش فلوس يا عم انتم يا عم انتم ناس نصابة اصلا انت دعني دعني دي. المشهد ده اتلقط من فوق سبع سماوات واتحط اول مشهد في فيلم الذي يكذب بالدين. ارأيت الذي يكذب بالدين ده بيكذب بالدين بقى. طب اللي بيكذب بالدين ده بالتأكيد الكفرة - [00:17:06](#)

لا يبقى بقى فيه هنا نقطة خطيرة جدا. ان التكذيب بالدين مش فقط هو التكذيب بالعقيدة. ولكن الانسان اللي ما عندوش دين مع الناس ده ما عندوش دين عند يعني مش بس اللي ما عندوش دين عند الله. انت موحد وبتصلي وبتصوم وعابد ولكن ما عندكش دين في شغلك. ما عندكش دين في مهنتك الدنيوية - [00:17:26](#)

ما عندكش دين مع امك وابوك. ما عندكش دين مع قرايبك. ما عندكش دين مع الفقير والمسكين والمحتاج. ما عندكش دين في معاملاتك واخلاقك المالية والاجتماعية. ما عندكش دين ساعة الطلاق. ما عندكش دين ساعة الخصام والاختلاف. والنزاع - [00:17:46](#)

هات اللي بينك وبين الناس ما عندكش دين ده واحد ما عندوش دين زي اللي غير موحد واللي ما بيصليش ما عندوش دين. عشان كده الصورة قالت كلام خطير جدا. قالت فوائل الليل - [00:18:06](#)

مصلين ده بتتكلم عن واحد بيصلي سورة بتتكلم عن واحد بيصلي صورة بتتكلم على واحد مسلم ونازلة تتكلم عن هذا النموذج وتقول النموذج ده نموذج خطر نموذج ما عندوش دين. ارأيت الذي يكذب بالدين؟ فذلك الذي يدع لدين ذلك. شف ذلك ده اسم اشارة - [00:18:16](#)

يدل على المحسوس المأسوس الملموس المرئي. لما اقول لك تلك الكاميرا وذلك الموبايل. يبقى هو الموبايل اهو ما اقولكش ذلك الموبايل وما فيش موبايل يبقى ذلك آآ تلك المروحة. آآ هذا العمود هذا وتلك وذلك. اسماء اشارة تدل على المحسوس الملموس المرئي. بس هذا القريب - [00:18:36](#)

الحاجة القريبة اه هذا المايك التنزلك للبعيد ذلك الباب. يبقى ايه؟ يبقى دال القريب ودا البعيد. فذلك ذلك اسم اشارة محسوسة ملموس مرئي ها بس للبعيد. البعيد ده هو هو يعني البعدا دول والعياذ بالله يعني حاجة كلمة فيها احتقار لهم. وابعدا لهم عن رحمة الله - [00:18:56](#)

سبحانه وتعالى فذلك الذي يدع اليتيم علامته ايه؟ ان هو لما يجي له حد يتيم وسعي على تزويج يتيمة ولا سعي على حاجة يتيم يا جدعني دعني او يبجي حد يكلمه عن انه هيدي لواحد يتيم دعني فذلك الذي يدعو او يتعامل معه باسلوب فز. يعني ما عندوش ادمية - [00:19:16](#)

في قلبه تجاه المحتاج. فذلك الذي يدع اليتيم ولا يحض على طعام المسكين. ده ده الجريمة مش بس ان هو ما بيديش ده ان هو ما يبشجع ما بيعملش تشجيع مجتمعي على ايد المساكين يتاخدوا. هو المسكين ده يا جماعة ايه الفرق بين المسكين والفقير؟ حد يعرف يقول لي الفرق بين المسكين - [00:19:36](#)

والفقير المسكين جاي من السكون اللي هو ايه؟ اللي ساكن في مكانه. يعني يعني انسان تلاقيه هادي كده ماشي هادي رايح هادي جاي هادي ليه؟ يعني لمساكيننا واما السفينة فكانت لمساكيننا يعملون في البحر عندهم سفينة عندهم حل. عنده مصدر دخل بس هو على قده. المسكين - [00:19:57](#)

اللي عنده مصدر دخل بس عايش على قده. ده المسكين في حياته تلاقيها ساكنة وهادي كده ما يدخلش في صراعات ولا عارف ان هو غلبان واياه ما لوش في ايه انه يدخل في نزاع مع حد. اومال - [00:20:17](#)

الفقير جاي من من العمود الفقري. العمود الفقري اللي ما بيتكسر والعياذ بالله ربنا يعافينا. نسال الله اليقين والعافية. انسان بيتشل لشلل كامل. فالفقير جاي من المعنى ده الفقير ده ما عهوش اجرة آآ ميكروباص يروح الجامعة بها. ما عهوش فده مشلول في مكانه. فالفقير اخطر بالمسكين - [00:20:27](#)

فالقرآن بيحثك حتى المسكين خد بالك منه. المسكين ده بتلاقي شكله كويس من برة. ولكن هو حقيقة مسكين. فما بالك بقى بالفقير من باب ولا يحض على طعام المسكين. طب المسكين هنا مفرد. يبقى القصة هنا مش لا يحض على طعام المساكين. لا يحض على طعام المساكين - [00:20:47](#)

يبقى القصة كانت تبقى فقط ان يا جماعة اكلوا المساكين. يا جماعة خدوا بالكم من هزه النوعية. بس. انما المسكين مفرد يبقى فيه مسكين معين يبقى انت عرفت ان فيه واحد جارك هو من برة هالله هالله ومن جوة يعلم الله. عرفت ان فيه واحد صاحبك عرفت ان فيه اي بني ادم او اي - [00:21:07](#)

صورة مسلا جيران لقرابيك ولا اي حاجة غلابة. ظاهرهم من بره حلوين وقلت لهم تعمل ايه؟ تقوم واجب عليك ان يبقى عندك ايجابية في التكافل مجتمعي انك انت تروح للغني بقى تقول له ده فيه ناس فقرا تبلغ. تبلغ يقول لك الضبطية القضائية ان اي مواطن يبلغ. اي مواطن - [00:21:27](#)

يبقى زيه زي الزابط بالزبط. ان يبقى فيه ضبطية مجتمعية. او يعني اي اي تبلغ عن الفقير. لما تعرف ان فيه واحد فقير تقعدش بقى تمص لي نص كيس ليمون - [00:21:47](#)

يا عيني! انا لله وانا اليه راجعون! ده غلابة! يا عم انت يا عم ما تخليك ايجابي يا اخي! بطل سلبية اللي مضية لك دينك دي. ارايت الذي يكذب بالدين - [00:21:57](#)

اللي اللي يشوف حد فقير ويتجاهل ده انسان ما عندوش دين. طب انا يا عم ما عنديش فلوس. انا مش بتاعي يدعو اليتيم. انا ما بادعوش. انا ما عنديش اصلا. خلاص حض على طعام - [00:22:07](#)

بلغ عشان كده المفسرين قالوا ذلك الذي يدعو اليتيم قال لك ده اللي معه. ولا يحض على طعام المسكين. قال لك ده اللي ما عهوش. فانت سواء معك او ما عكش القرآن كلفك انك انت تسعى في حوائج الارامل والمناسكين. يبقى انا راجل معي ادي للجمعيات الخيرية. طب انا معيش - [00:22:17](#)

اشترك في الفرق التطوعية اللي بتوصل للفقراء واللي بتستكشف الحالات الفقيرة. انما يعني الايتين دول الزموا المجتمع المسلم كله انه يشارك في العمل الخيري. الايتين دول تكاملا مع بعض كده الزموا المجتمع الاسلامي كله. ما ينفعش واحد - [00:22:37](#)

في المجتمع المسلم ما يشتغلش في العمل الخيري. يا بيدي يا تطوعي يا فرق تطوعية. يا بيدي يا ببلغ. يا بيدي يا يبشجع المجتمع

انه يدي طب وبعدين يا يبقى ده صغر الزامي؟ يبقى الوقتي قلنا كل واحد لازم يشوف له سغر في الدين. طب انا اشتغل في دعوة الشباب وانا هاشتغل في التربية. وانا - [00:22:57](#)

لف على المساجد ادي كلمات وانا هشتغل في الدعوة على السوشيال ميديا والانترنت. وانا طب وانا هشتغل في العمل الخيري؟ لا يا حبيبي. ده كل المجتمع لازم يشتغل في شايف النزرة الخطيرة في الاسلام للشغل الخيري للاسف بقى مين اللي بيطبق الكلام ده دلوقتى الغرب للاسف. للاسف - [00:23:17](#)

الغرب هو اللي عنده حراك اجتماعي في الاعمال الخيرية مزهل. مزهل. يعني رغم ان الناس دي لا يرجون الدار الاخرة يعني لا يفعلوا هذا عشان يقولوا رب اغفر لي خطيئتي يوم الدين. انما وصلوا لدرجة من المنزلات العالمية في الاغاثة. والمنظمات المحلية في الاغاثة والتطوعات - [00:23:37](#)

وصلت لدرجة ان هناك وصي لما يموت يقول لك آآ خدوا اعضائي. اول ما اموت كده وادوني على المستشفى على طول خدوا اعضائي. عشان اللي محتاج واحد في حادثة السبب ان واحد يعيش. هو اصلا مش مؤمن انه هيبعس اصلا - [00:23:57](#)  
احنا يعني فعلا والله يا جماعة احنا ضيعنا دينا معنا. احنا شوهنا دينا معنا. ده دينا احنا. منظماتكم بنهاجن ومنظمات حقوق الطفل منظمات حقوق المرأة دي صورة النساء من الف وربعمية سنة نازلة عشان تقولوا كونوا قوامين بالقسط. خليك انسان قوام لها وانت - [00:24:12](#)

لليتامى الوقتي ما فيش حد بيتظلم في مصر قد اليتيم. بيتاكل فلوسه في القرى عيني عينك. وبيتاكل ورسه عيني عينه وكله بلع والسبع رجالة ما ما بيطلعوش في المجتمع بتاعنا غير لما لما الشاب يتفرم راسه يسمعوا صوت فرم رقبتة تحت - [00:24:32](#)  
قطر ويتفصل رقبتة عن جسمه السبع رجالة يطلعوا كل واحد يطلع بلاهة منقطة النزير يعمل لك مقطع. رمى الراجل من القطر يا رجالة. طب وانت كنت فين انت كنت فين يا دميقي! انت كنت فين وهو بيترمى من القطر عشان سبعين جنيه! يعني انت انت يعني احنا فعلا يا جماعة احنا في كارسة اخلاقية - [00:24:52](#)

في المجتمع. احنا في مصيبة احنا قاعدين نخدر في نفسنا. احنا في مجتمع بقى منسوء وفي ناس ملايكة. وفي ناس رهيبية في العطاء. بس فعليا الشكل السائد في المجتمع بقى وحش. بقى صعب بقى محتاج وقفة. ارأيت الذي يكذب بالدين. ده واحد ما عندوش دين. فذلك - [00:25:12](#)

الذي يداع اليتيم ولا يحض حض كده هو يا عم انفق يا عم اتق الله وحافظ الاحاديث وحافظ الايات ونازل يشتغل وده يحض على طعام المسكين. فويل للمصلين. الويل ده طبعاً كلمة مصيبة يعني. الويل بقى هو وادي في جهنم. الويل يعني ربنا - [00:25:32](#)  
هينتقم منه دنيا واخرة. كلمة وايلي دي كلمة مرعبة. فويل للمصلين الذين هم عن صلاتهم ساهون. ربط قضية العمل خيري والرحمة في القلب بالمخلوق الضعيف قضيت الصلاة. يبقى سبب قسوة القلوب من الناس على بعض - [00:25:52](#)

هو اصلا قسوة القلوب في العبادة. ان الناس مش بتصلي صح. كأن المعنى اللي هيصلي صح قلبي هيلين. اللي قلبه هيلين مع الله قلبه مع المخلوق يبقى السبب الجزري للارضة ان هو اصلا صلاته بايزة. يبقى فتش. يقول لك فتش عن المرأة. لما تلاقي - [00:26:12](#)  
اي جريمة فتش عن المرأة. قضية راجح وولد في سانوية وراح قتل وطعن واد في هو في ايه؟ في النهاية بسبب بنت. يا اخي فتش عن المرأة ما تلاقي في مصايب - [00:26:32](#)

الدنيا ولعت والحراق ولعت تلاقي في الاخر ايه آآ تلاقي في الاخر في في حاجة فتش على المرأة. فهنا فتش عن الصلاة. يبقى لما تلاقي لما تلاقي نفسك كسول وتعبان وفتش عن صلاتك يبقى صلاتك فيها مشكلة. لما تلاقي رزقك قليل فتش عن صلاتك. صلاتك فيها مشكلة. لما تلاقي قلبك - [00:26:42](#)

قاسي وتدينك ضعيف ومش عارف تغض بصرك. فتش عن صلاتك. السبب في الصلاة. فويل للمصلين. يا رب احنا بتكلم عن يتيم ومسكين واعمال خيرية وجمعيات فويل للمصلين الذين هم عن صلاتهم ايه؟ ده بيصلي بس بيصلي سطر وسطر. ده بيصلي بس العصر عنده ما بيصلوش - [00:27:02](#)

اه ثلاثة العصر بيصليه الساعة خمسة الاربعة كده. بيصلي المغرب بس قبل العشاء. العشاء بس بيصليه الساعة اتناشر بالليل. الذين هم عن صلاتهم ايه؟ في الاول ويلوا المصلين ده بيصلي. بيصلي. ولكن هو عنده سهو في صلاته. المفسرين قالوا يا اما عن الخشوع في الصلاة. يا اما عن تأخير اوقات - [00:27:22](#)

الصلاة. يا اما سطر و سطر. سطر و سطر. كاية مرعبة جدا. يعني من الاخر صلاته غلط. يعني ممكن الراجل ده بيصلي خمس فروض ولكن صلاة غلط عن سلاطيم ساهون قال بعض المفسرين عن الخشوع في الصلاة. هو مش خاشع فتش عن صلاتك. لو لقيت الدنيا بايظة عندك. النبي عليه الصلاة والسلام مر على - [00:27:42](#)

قوم مبتلين يعني تخيل لما تعدي على بالك كده تلاقي كلها بقى بطنها وارمة وكلهم عندهم استسقا وعينهم صفرا وهبطانين والكبد بقى وكيل نسأل الله اليقين والعافية يعني فالنبي عليه الصلاة والسلام مر عليهم فقال كلمة عظيمة اوي. فقال حبيب الله محمد عليه الصلاة والسلام اما كان هؤلاء يسألون الله العافية. هي الناس دي - [00:28:02](#)

ما كانتش بتقول بتسأل الله العافية. النبي كان يسأل الله العافية ليلا ونهارا في اذكار الصباح والمساء. فبالزبط كده فتش عن صلاتك. فتش انت فعلا بتقف خمس مرات بإذن الله - [00:28:22](#)

وبتدعي. انت حياتك مليانة مشاكل ليه؟ خد دي قاعدة دايم في حياتك. فتش عن صلاتك. اول ما تلاقي الدنيا بازت عندك فتش في الصلاة. فويل للمصلين الذين هم عن مش عن الصلاة عن صلاتهم. ده دين في رقبتهك لربنا. ودي امانة ودي صلاتك. ودي اهم حاجة -

[00:28:32](#)

طايطي سر سعادتني في حياتي. صلاتي سر قوتي في حياتي. صلاتي سر عبوديتي في حياتي. قوة الصلاة بتؤدي الى هو في الحياة يقول لك ساعيش مع الله في الخلوة ثم اخرج الى الناس اقوى ما اكون. كلمة عظيمة اوي عجبنتني قوي الكلمة دي تفاعلا على قدر قوة - [00:28:52](#)

خلوة على قدر قوة الجلوة. على قدر قوتك في الصلاة. على قدر قوتك في الحياة. الذين هم عن صلاتهم ساهون. الذين هم اه يبقى اسر تاني بقى من اثار اه ضعف الصلاة يبقى ضعف الصلاة خلى الانسان قلبه قاسي مع الناس. طب وكمان بعد ضعف الصلاة -

[00:29:12](#)

الذين هم ايه؟ يراؤون. آآ خدوا بالكم يا جماعة بعد الصلاة دايم بييجي قضية الرياء. بييجي قضية ولا آآ ولا يذكرون الله الا قليلا مذبذبين بين ذلك لا الى هؤلاء ولا الى هؤلاء. دايم الوجهة بتبوز لما الصلاة بتبوز. الذين هم يراؤون الرياء ان وجهتك ما عادتش وجه الله. الرياء - [00:29:32](#)

ان وجهتك بقت وجه البشر. الرياء ان وجهتك بقت آآ عدد اللايكات اللي انت بتاخذها على الفيس لما تعمل بوست ولا تعمل اي حاجة. الرياء ان انت بقت وجهتك دي - [00:29:52](#)

وجهتك لوجه الله سبحانه وتعالى فده الرياء. فدايم فالرياء بييجي بعد فساد الصلاة ليه؟ لان الصلاة انت بتنصب وجهك ايه؟ لوجه ربك فالصلاة الخاشعة هي اللي بتعلمك تعظيم وجه الله. الصلاة انت عملت كده. الله اكبر. رميت ورا ضهرك كل نزر البشر. ما عدتش باصص للبشر. وبقيت - [00:30:02](#)

كل قضيتك نزر الخالق. طب لو انت بقى بتصلي ومش فاهم المعنى ده هتخرج من الصلاة وانت لسه كل قضيتك نزر المخلوق. عشان كده بعد فسدت الصلاة الزين هم يراؤون - [00:30:22](#)

يبقى نزر المخلوق هو اللي مسيطر عليه. يبقى اعزم علاج للرياء هو ايه؟ الصلاة السليمة. الصلاة الصحيحة هي دي اللي بتصحح لك وجهتك. عشان كده ولا يذكرون الله الا آآ آآ واذا قاموا الى الصلاة قاموا كسالى ايه؟ يراؤون الناس. يبقى برضو الرياء - [00:30:32](#)

بعد ايه الكسل في الصلاة. بعد لو الصلاة بايظة هتلاقي نفسك مراني على طول. عايز يبقى عندك اخلاص صحح صلاتك. صحح صلاتك يبقى صلاتك هي اللي بتصلح لك قلبك. الذين هم يراؤون ويمنعون الماعون دي بقى اخر حاجة في النهاية اللي هي حتى الحاجات

البسيطة اللي الناس - [00:30:52](#)

